

Le Sorvisc ai Jogn Val Badia: "Dis de preparaziun al maridé" dai 18 d'aurí ai 19 d'aurí 2020; ciarede tl'ultima plata. Prenotesse por telefon 0474-523070

Le KVV inviëia vëdui, vëdues y porsones sores en sabeda, 14 de dezëmber, dales 14.00, tla mensa dles Ursulines a Bornech ala festa da Nadè. Prenotesse cina en jöbia, 12/12, tl' ofize KVV Bornech 0474 411 149.

SAN MARTIN

Incö, festa dl'Imacolada, do le Rorate dles ëres é dötes dër bel inviades ia tl salf di stödafüch a gosté deboriada.

I geniturs di mituns y dles mitans che jará ala Pröma Comuniun é dër bel invia a na sentada te calonia, l'ater dedolönesc, ai 17 de dezëmber, dales 20.00.

La Uniun di Seniors da S. Martin y Antermëia inviëia ala Festa da Nadé cun Rorate y sentada generala en domënia, ai 15/12, tl Hotel Pütia sö Antermëia. Dales 10.00 Rorate y dedò marëna. Trasport da S. Martin dales 9.15. I fajun Engele Bengèle, tolësse n pice pinsier cun os. Prisc 15 euro. Prenotesse cina en jöbia 12 /12 pro Maria 338 17 51 839 o Alfred 333 365 4786. Gnide tröc.

LUNGIARÜ

La Uniun di ëi da Lungiarü inviëia en domënia, ai 15 de dezëmber, al Rorate y do mëssa al referat cun siur Sepl Granruaz y a na picia festa da Nadé.

Le Cor de Dlijia präia dër bel chi che á val da dé jö por le marcé de Santa Lizia, da le dé jö cina en jöbia, ai 12 de dezëmber, tl salf de scora dales 14.00 - 16.30 o da ti al dé a un di ciantadus. Le marcé é davert en Santa Lizia danmisdé.

Le Consëi nü dles ëres da Lungiarü é metü adöm da Anita Verginer, Karin Campej, Chantal Mühlmann, Maria Teresa Kostner y Sonja Pescollerungg. N gran dilan a Hannele Sorá y Rita Marcher por i tröc agn d'ativité tl consëi.

La Scora de Musiga tëgn le "concert da Nadé" l'ater vëndres, ai 20/12, dales 18.00 tla dljia da San Martin. Düc é dër bel invia.

Conzert d'Advënt en domënia, ai 15 de dezëmber, dales 17.00, tla dljia de Badia cun: Cor Kerygma, Terzet Sintonia cun Hubert Adang y cuinet Herum

La Ciasa de Palsa da San Martin chirará fora y nominará le/a responsabl/a tecnich/a dl'assistënza. Ala cerna pó tó pert:

- operadësses sozio-assistenziales cun n raport de laur a tēmp parzial 76,53% o a tēmp plēgn o
- assistēnc/res por jēnt atēmpada o por families cun formaziun suplementara cun n raport de laur a tēmp parzial 76,53% o a tēmp plēgn o
- infermiers/es cun n raport a tēmp plēgn.

Al pó tó pert aspiranc/antes dl grup linguistich ladin.

Les domandes d'amisciun ala cerna é da dé jö tl secretariat dla Ciasa de Palsa da San Martin cina ai 30.12.2019, dales 12.00. Info 0474 524 786

Implü á la Ciasa de Palsa scrit fora n concurs publich cun ejams por curí 2 posc da assitēnt/a aministratif/va dla 6ª cualifica funzionala (un n post a tēmp parzial 50% y l'ater a tēmp plēgn), trami resservá al grup linguistich ladin. Al vëgn ghiré l'atestat de trilinguism B2(ex B). Les domandes da descárié da www.ciasadepalsa.it mëss gní dades jö cina ai 10 de jená 2020, dales 12.00.



www.unitepastorala.org

Plata dles Ploanies San Martin y Lungiarü

siur ploan Klaus Sottsas 344 15 54 055 - ksottsas@yahoo.de
siur curat Heinrich Perathoner 339 6574213 (calonia S.M. 0474 453003)
redaziun: anton.gasser@rolmail.net - 348 27 44 517 / 0474 523 194



08.12 – 15.12.19 nr. 2

ultimo termo por comunicaziuns: jöbia dales 20.00
radio: 90,40 / 93,70


SANTA MARIA IMACOLADA

Vangele do Matí 2,15-15.19-23

Te chël tēmp é l'agno Gàbriel
gnü menè da Idí te na cité tla Galilea dal inom Nàzaret da na viria;
ara é impormetüda a n ël dla ciasa de Davide che â inom Ujöp,
y l'inom dla viria é Maria. L'agno é jü ite da d'ëra y a dit:

Ave, tö plëna de grazia, le Signur é cun tè.
Ara s'á spordü da gni baiada ados insciö
y ara ponsá do, ci che chësc salüt dô significhé.
Ailò ti à l'agno dit: No te temëi, Maria;
deache t'as cialfë grazia pro Idí.

Te cialfaras y metaras al monn n môt:
a d'ël desste ti mëte inom Gejù.
Al sarà gran y gnarà nominé Fi dl Altiscim.
Dî, le Signur, ti darà le tron de so pere Davide.



*Maria nes á vit dant trëi cosses fondamentales por na vita cristiana y implida:
ascuté, fá y indiché.*

*Impröma messunse imparé da Maria da ascuté,
ci che Chël Bel Dî á imënt cun vignun de nos:
ci compit ch'al ó me surandé, tan ch'al pretënn y ci ch'al s'aspeta da me.*

*Por secundo se tratera da ti jí dô ala cherdada de Dî
y da fá ci ch'i vëighi che é mi compit:
I sun düc cherdá da ester mans y pisc, edli y orëdles, bocia y cör de Gejù.
Tla ciantia dl Magnificat odunse che Maria á n cör ince por i püri.
Chësc ghira da me coraje da dé testimonianza y da jí cuntra la comodité.*

*Por terzo nes insëgna Maria da orienté la jënt sön la noela de Gejù.
Nia tan cun les parores, mo plü co ater, tres mi comportamënt y mies opres,
dess la jënt rovë pro Gejù y damané do ël.*

EDEMA LITURGICA	SAN MARTIN	LUNGIARÜ	
08.12.19  SANTA MARIA IMACOLADA	9.00 Corona 9.30 Mëssa solëna dla Comunité Rorate dla Uniun dles Ères dl ann + Paula Ploner Trebo	7.55 Corona 8.15 Mëssa solëna dla Comunité + siur Heinrich Videsott (dl ann) 11.30 Bato de Jonas Holzer	 Uma de bunté y de misericordia, i vëgni plëgn de confidënza da te. Conscidran l'ejëmpl de tüa vita te preïi, dëideme ince me da vire mia vita tl Spirit de Gejú, to Fi. Dáme tüa umilté da laldé y rengrazié Idî, l'Onipotënt, por sües opres de salvëza. Dáme tüa devoziun che chir süa vijinanza y tüa atenziun daverta a süa parora. Dáme tüa desponibilité da fá süa orenté y tüa generosité da se mëte a sorvisc. Dáme tüa purëza che scombat le picé y le mal. Dáme tüa forza y paziënza che la tëgn fora ince sot la crusc. Oh buna uma, dáme dantadöt to cör credënt, to cör plëgn d'amur y de dediziun. Santa Maria, tö compagna de mia vita, condüjeme söl tru da Chël Bel Dî. Amen.
09.12.19 Lönesc Valeria, Pire F.			
10.12.19 Maria da Loreto	19.30 Rorate + Maria Dapunt Erlacher fam. Prousch y Perathoner de dilan dles grazies scincades		
11.12.19 Davide, Artur		7.30 Rorate ++ de Vanc fam. Paul Clara, Brocia, de rengraziamënt dl ann + Vito Clara	
12.12.19 beat Hartmann da Porsenü	7.30 Rorate y Corona por vocaziuns dl ann + Sepl Flöss, Anví ++ Maria y Pire Unterweger		
Jöbia S. Maria da Guadalupe,			
13.12.19 Vëndres Santa Lizia, Ottilia	18.30 Adoraziun chîta 19.00 Adoraziun deboriada	Festa de Santa Lizia - Patrona da Lungiarü 8.30 Corona 9.00 Mëssa solëna en onú de Santa Lizia	
14.12.19 Sabeda Jan dala Crusc, Franzisca	15.30 Mëssa tla Ciasa de Palsa 18.30 Mëssa prefestia/Rorate Rorate dla Uniun di Èi Rorate dla Uniun dl Sport dl ann + Doro Verginer vis y def. fam. Antonia Dasser	20.00 Mëssa prefestia/Rorate por les families de Sepl Clara, Sanví por vis y def. de Sepl Dapoz ++ Paul y Zita Dapoz	
15.12.19 3ª DOMËNIA D'ADVËNT-A Gaudete!	9.00 Corona 9.30 Gran Mëssa dla Comunité Rorate por families de Martin Verginer Rorate fam. Rubatscher, Restalt, de rengraz. ++ Pescosta, da Ju	7.55 Corona 8.15 Gran Mëssa dla Comunité Rorate por la Uniun di Èi Rorate por vëdúi y vëdues y porsones sores	
 Ai 13 de dezëmber festejëia la Dlijia la martira Santa Lizia. Ara é nasciüda l'ann 281 do G.C. y é morta l'ann 310. Süa fossa é gnüda ciafada sö a Siracusa; sü osc é gnüs condüc a Aunejia. Do che Lizia â dé jö l'u de ti mantigní a Gejú Crist süa verginité, ti ára desdit a so cherstian y cun süa arpejun ára fondé na staziun por i püri y i amará. Por süa vita cristiana éra gnüda dada dant al'autorité pagana che á comané so martíre. I orun la perié tambëgn do la löm di edli co do la conescënza de chi valurs che nes condüj ala gloria dl cil.			